



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

CCXCIII. Markgraf Otto bestätigt einem Altar in der St. Katharinenkirche in der Neustadt Brandenburg einige Einkünfte, am 29. Oct. 1372.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

ac famosis viris Jordano de Nendorp, nostro avvocato, Johanne de Luckenberge et Henzone de Golzow aliisque pluribus fide dignis, ad premissa vocatis et rogatis.

Nach einem Copialbuche des Brandenburger Domcapitels.

CCXCIII. Markgraf Otto bestätigt einem Altar in der St. Katharinenkirche in der Neustadt Brandenburg einige Einkünfte, am 29. Oct. 1372.

Nos Otto, dei gratia Brandenburgensis marchio, universis et singulis, presentibus et futuris, ad perpetuam rei memoriam. Volumus esse notum, ordinationem, donationem et approbationem annuorum reddituum, videlicet septem talentorum et quatuordecim solidorum denariorum Brandenburg. ac tertii dimidii chori falsi, sitorum et singulis annis percipiendorum in theolonio nove civitatis Brandenburg ad altare, fundatum, locatum et sub honore beati Nicolai, episcopi et confessoris, in ecclesia parochiali sancte Katherine civitatis nostre predictae dedicatum et etiam ejusdem altaris juris presentandi translationem per magnificos principes predecessores nostros, maxime per illustrissimum dominum Ludovicum pie recordationis, fratrem nostrum carissimum, quondam marchionem Brandenburg. ob reverentiam omnipotentis dei, gloriose genitricis sue et omnium sanctorum, nec non ob jugem et perhennem suarum nostrarum etiam heredum ac successorum nostrarum animarum memoriam concessas et indultas, pro quibus quidem donatione et appropriatione plebanus ecclesie parochialis predictae dedit domino Ludovico fratri nostro prenarrato quadraginta talenta denariorum Brandenburgensium nec non autorizationem, confirmationem, incorporationem et unionem dicti altaris cum redditibus predictis per venerabiles in Christo patres et dominos Johannem et Thidericum episcopos Brandenburgenses factas ex nostra certa scientia approbavimus, laudavimus, confirmavimus et tenore presentium approbamus, laudamus et in nomine domini confirmamus ac gratas et ratas habemus per presentes. Ceterum ut venerabilis in Christo pater et dominus, dominus Thidericus, nunc episcopus ecclesie Brandenburgensis, sepedictum altare cum suis redditibus altaris predicti, quos dictus plebanus longevis temporibus sustulit et hactenus sublevavit, ipsi ecclesie predictae, cujus fructus et redditus ad sustentationem ejusdem plebani sunt exiles et modici, incorporare, conjungere et unire possit ita quod hujusmodi ecclesie et altaris amodo sit unus et idem plebanus et rector et quod plebanus ejusdem ecclesie, quicumque pro tempore est et erit, redditibus altaris predicti, quia ejusdem altaris est rector, debeat et possit gaudere, salvis divinis officii dicto altari annexis, per predictum plebanum vel ejus capellanum sine aliqua fraudatione et subtractione faciendis et agendis, nostrum liberum adhibuimus et presentibus adhibemus consensum, hoc etiam adjecto, quatenus dicti theloni thelonarius vel ejus vices gerens aut thelonium ibidem respiciens, presens vel futurus, dictos redditus, videlicet dimidietatem dictorum denariorum in die beati Martini et aliam dimidietatem in die purificationis beate Marie singulis annis ac suis temporibus, etiam decenter in parata pecunia sine aliqua rerum commutatione integraliter et complete, sal vero quolibet tempore, quo ipse plebanus eo indigerit eidem plebano finaliter persolvere debebit et parare omnia et singula premissa in suis clausulis et articulis perpetuis temporibus firma et rata valitura. In cujus rei testimonium sigillum nostrum duximus presentibus appendendum, presentibus reverendo in Christo patre ac domino, domino Thiderico episcopo Brandenburgensis ecclesie ac strenuis viris Johanne de Rochow, Johanne de Wolkow,

militibus Nicolao de Bismarke, curie nostre magistro, Ottone Morner, et Johanne de Scapelitz, nostro protonotario cum ceteris pluribus fide dignis. Datum Berlin, anno domini MCCCLXXII. sequenti die post Simonis et Jude, apostolorum beatorum.

Nach einer Copie im Ältern Copiaro.

CCXCIV. Der Markgraf Otto schenkt dem Bischof von Brandenburg eine jährliche Rente aus dem Dorfe Radewege, am 25. Jan. 1373.

Noverint universi tenorem presentium inspecturi, quod nos Otto, dei gratia marchio Brandenburgensis, sacri Romani imperii archicamerarius, comes palatinus Rheni et Bavarie dux, reverendo in Christo patri ac domino, domino Thiderico, Brandenburgensis ecclesie episcopo, suisque successoribus dedimus atque donavimus, damus et per presentes sollempni donatione donamus proprietatem sex frustorum in villa Radewege, videlicet unam curiam, quam Henningus Goritz pro nunc colit et inhabitat cum quadraginta duobus modiis siliiginis et totidem ordei annuorum reddituum liberam et cum omni jure, insuper de curia dicte ville Radewege, quam dictus Perleberg pro nunc colit et inhabitat, dimidium chorum siliiginis et totidem ordei cum quatuor solidis denariorum Brandenburgensium singulis annis super festo beati Martini episcopi derivandis cum decima carniū et uno pullo fumali, sex denariis de resignatione mansorum; insuper de duobus mansis, quos nunc Gyso de Steinhus, civis antique civitatis nostre Brandenburgensis colit, dimidium chorum siliiginis et totidem ordei cum quatuor solidis denariorum Brand. pro censu annuorum reddituum super quolibet festo beati Martini predicti derivandis cum decima carniū, uno pullo fumali, sex denariis de resignatione et sex de acceptatione mansorum cum omnibus juribus, gratis, commodis, honoribus, fructibus, utilitatibus, libertatibus ac pertinentiis universis, prout Gyso de Steinhus prefatus hactenus a nobis in pendum habuit et possedit, ita tamen, quod dominus episcopus Brandenburgensis prefatus ac successores ipsius predicta sex frusta in usus pios, videlicet altarium, ecclesiasticarum personarum aut sacrorum locorum convertere poterunt et debebunt, ubicunque eis videbitur expedire absque nostri, heredum sive successorum nostrorum recusatione, renunciantes pro nobis, heredibus ac successoribus nostris omni juri, actioni, impetitioni, quod vel que nobis in prefatis redditibus hactenus competeat, competit seu competere poterit aliquo tempore in futurum. In cujus rei testimonium sigillum nostrum presentibus est appensum, testibus nobili Achim Gans domino in Puthlitz, strenuis Johanne de Rochow, Frederico de Pechwinkel, Ottone Griffe, camere nostre magistro, militibus, Henrico de Schulenburg, Ottone Morner, camere nostre iudice, et Thoma de Brandenburg advocato nostro, cum ceteris pluribus fide dignis. Datum Berlin, anno domini millesimo tricentesimo septuagesimo, die beati Pauli conversionis.

Nach dem Original.